

No. 127. 1369. 14. Dec.

*Der Official Nicolaus von Giczin verkündet der Geistlichkeit in den Sprengeln Magdeburg, Naumburg, Meissen, Merseburg und Mainz, und speciell dem Archipresbyter zu Leipzig, dem Pleban zu Taucha und den Geistlichen der Pfarrkirchen zu Dahlen und St. Gotthard, dass er die während der Litispendenz Seiten des Thomasklosters vorgenommene und vom Bischof von Merseburg bestätigte Neuwahl eines Probstes cassirt habe, und befiehlt, den Bischof, den Prior und Convent des Thomasklosters zur Nachachtung der Revocationssentenz in angegebener Weise öffentlich aufzufordern, im Falle der Nichtbefolgung und auf weiteres Erfordern die gegen dieselben ausgesprochenen Kirchenstrafen zu verkündigen.*

Nicolaus de Gyczin vicedominus ecclesiae et officialis curiae Magdurgensis index seu commissarius ad infra scripta a reverendissimo in Christo patre et domino domino Alberto dei gratia sanctae Magdeburgensis ecclesiae archiepiscopo executore principali a sede apostolica delegato subdelegatus universis et singulis abbatibus praepositis prioribus archidiaconis decanis archipresbyteris parrochialium ecclesiarum rectoribus et notariis publicis per Magdurgensem Nuenburgensem Mynensem et Mersburgensem Maguntinensem civitates et dioceses constitutis, et specialiter archipresbytero in Lypezk, plebano in Tuch<sup>a</sup>) Mersburgensis diocesis, in Dolen<sup>b</sup>) et sancti Gotthardi<sup>c</sup>) ecclesiarum parrochialium rectoribus diocesis Mynensis salutem in domino mandatis nostris immo verius apostolicis firmiter obedire. Cum nos dudum in causa, quae inter religiosos viros priorem et conventum monasterii in Lypek canonicorum regularium ordinis sancti Augustini Mersburgensis diocesis supradictae ex una et honorabilem ac religiosum virum dominum Vhricum de Malticz praepositum ipsius monasterii in Lypezk de et super executione cuiusdam diffinitivae sententiae privationis per reverendum in Christo patrem dominum episcopum Mersburgensem ad instantiam dictorum prioris et conventus contra praefatum dominum Vhricum praepositum latae et per sedem apostolicam cum clausula ‚Sicut est iusta confirmate faciendae‘ parte vertebatur ex altera, ad non nullos actus processissemus, tandem pro parte praefati domini praepositi extitit propositum, qualiter prior et conventus praedicti in praeiudicium iurisdictionis nostrae ipsiusque domini Vhrici in iniuriam lite pendente et causa huiusmodi coram nobis attemptando et innovando quendam alium ipsius monasterii canonicum professum in praepositum ipsius monasterii in Lipezk elegerunt ac confirmationem super huiusmodi electione a reverendo domino episcopo Mersburgensi praedicto inpetrarunt et obtinuerunt, et petitum electionem et confirmationem praedictas tamquam lite pendente lite innovato cassari revocari et annullari cassaque et irrita per nos debere pronuntiari. Nos vero evocatis ad hoc legitime qui fuerunt evocandi cognoscentes ex confessione procuratoris dictorum prioris et conventus coram nobis solempniter facta, praedictas electionem et confirmationem pendente lite et causa huiusmodi coram nobis fuisse factas ac fore et esse innovatum in praeiudicium nostrae iurisdictionis indebite et attemptata, non obstantibus frivolis exceptionibus pro parte

a) Taucha, Eph. Leipzig. b) Dahlen, Eph. Oschatz. c) Jähna, Eph. Oschatz.